

նուազագոյն քանակով, որովհետեւ Ա գօտին բացառապէս նետորական է եւ քրդական, B գօտին զուտ քրդական, C գօտին բնակեցուած է բացառապէս լազերով:

2. Ֆրանսան ստանում է Հայաստանը, սրբէն Հայաստան, եւ Ֆրանսական գօտին կը լինի հայ ազգային զգացումի կենտրոն: Այս բանը վերին աստիճանի ձեռնառու է Ռուսաստանի համար, որովհետեւ Փոքր Հայաստանի հայերը տրամադրուած են կղերականորէն ու պահպանողական կերպով, հակառակ կովկասեան հայերի եւ անիշխանական-ընկերվարական արեւելահայերի: Եթէ հայոց ազգային զգացումի հնոցը լինէր էրզրում, անիշխանական-ընկերվարականները իրենց ձեռքը կ'առնէին ու կ'ամբասցնէին բովանդակ հայկական քաղաքական մեքենան, իսկ այսպիսի հանգամանքները չափաւոր տարրերը իրենց կ'ենթարկեն Փոքր Հայաստանից բխող եւ Ֆրանսական ինտամկալութեան տակ դանդաղ հայոց ազգային ձգտումները:

Հայկական չափաւոր շրջանների նպատակը լի լինի դարգացումը սեփական սահմաններում եւ բաժանումը Կովկասի եւ Ատրպատականի անիշխանական-ընկերվարականներից, որոնց հետ երբեք ցանկութիւն չեն ունեցել ուժանալ միասին:

Յետոյ Ֆրանսական գօտին ընդգրկում է իր մէջ Ձէլթուն, Հաճին, Տիգրանակերտ, Մէլաֆարկին, Արվաղ պատմական հայկական քաղաքները եւ մի շրջան, որը կառավարուել է հայոց վերջին թագաւորի կողմից, որին վիճակուեց մեռնելու Փարիզում, այլ եւ իր մէջ է առնում Մաշակրաց արշաւանքների ժամանակուայ Եղեւիոյ կոմսութիւնը, ուր թագաւորում էր Գի Լուսինեանը: Այս պարագան արժէք ունի, իրրեւ ելակէտ հայոց պատմական ազգայնութեան համար, որը մոռացել է ժողովրդական երգերն ու աւանդութիւնները Վանի եւ էրզրումի, որոնք գաղափարական հիմք են հանդիսանում հայկական անիշխանական-ընկերվարական պրոպագանդին:

Ապա, Փոքր Հայաստանի հայերը կապուած չեն Կովկասի արդիւնաբերական հայութեան հետ եւ, իրօք, շատ քիչ ընդհանուր բան ունին նրանց հետ:

Ես անձնապէս կ'ասէի, որ լաւ կը լինէր, եթէ միայն հնարաւոր է, Մուշի դաշան էլ մտցնել Ֆրանսական գօտու մէջ, որովհետեւ այդ կ'ազատէր Ռուսաստանը յեղափոխական գործունէութեան օճախից եւ կը կտրէր կովկասեան յեղափոխականների քարոզչութեանը ամենից աւելի ենթակայ շրջաններից մէկը այդ յեղափոխականների գործունէութեան շրջանից:

Այս վերջինը, ի հարկէ, աննշան մանրամասնութիւն է եւ նրա արժանիքներն եւ թերութիւնները պէտք է ուսումնասիրուին քաղաքական եւ զինուորական գործի մասնագէտների կողմից. քաղաքական տեսակէտից աւելի լաւ կը լինէր ուսական շահերի համար, որ այս շրջանը չլինէր ուսական, բայց որ դըւանը կըր ուսական հակակշիռ տակ: Ես կարծում եմ, որ սրանք են մեր երէկուայ խօսակցութեամբ յարուցուած դիւաւոր հարցերը» (158-59):

\* \* \*

Քաղաքական մեծ իմաստութեան պէտք չկայ՝ տեսնելու համար աշխարհակալ Անգլիայի մէկ ճէտի ծրագրի մէջ այն հիմնական տարրերը, որոնք բրիտանական գործակալների շարժիչ ոյժն են հանդիսանում Մերձաւոր ու Հեռաւոր Արեւելքում — ուսական դրոշի կանցումը եւ Ռուսաստանին առաւելութիւն տուող ռազմագիտական զձերի գրաւումը (կամ զէթ չէրօքացումը: Սըր Սայքսի համար անհրաժեշտ է եղել ստեղծել հայ կղերականների ու անիշխանական-ընկերվարականների հէքեաթը եւ անիշխանականների ուրուականներով սպառնալով թանձրուղեղ ուս զիւանագէտներին՝ պատնէչ կանգնեցնել ուսական արշաւի սոջեւ դէպի արեւելք. Փոքր Հայքը՝ Ֆրանսային, որովհետեւ Լեւոն թագաւորը Փարիզում է վախճանուել. Մուշը՝ Ռուսաստանի սահմաններից դուրս, որովհետեւ այնտեղ վտանգաւոր յեղափոխականներ են բոյն դրել, Սըվաղը, Տիգրանակերտը, իրրեւ հայկական պատմական քաղաքներ՝ նոյնպէս Ֆրանսային: Եւ այսպիսով, կանգնեցում է ուսական յառաջխաղացման դիմաց մի բաւական անառիկ թումը՝ Տաւրոսեան լեռնաշղթան, — մի ծրագիր, որ հազար առիթներով ու ձեւերով հե-